

Yfirlýsing forstjóra Heilbrigðisstofnunar Vestfjarða um framsal valds samkvæmt 50.gr. laga um réttindi og skyldur starfsmanna ríkisins nr. 70/1996.

Ákvæði 50. gr. laga nr. 70/1996, um réttindi og skyldur starfsmanna ríkisins (stml.), heimilar forstöðumönnum stofnana ríkisins að framselja vald sem þeim er veitt skv. sömu lögum, til annarra stjórnenda hlutaðeigandi stofnana, enda sé það gert skriflega og tilkynnt starfsmönnum stofnunar.

Á grundvelli þessa ákvæðis framselur forstjóri Heilbrigðisstofnunar Vestfjarða vald til stjórnenda skv. því sem nánar greinir í yfirlýsingu þessari.

Með framsali þessu heimilar forstjóri tilgreindum stjórnendum að taka ákvarðanir um þá þætti sem nánar greinir hér á eftir. Þrátt fyrir framsalið hefur forstjóri samhliða heimildir til aðgerða og ákvarðana um sömu þætti og getur afturkallað framsalið án fyrirvara. Sá sem valdið er framselt til hefur ekki heimild til að framselja það. Framsal valds, samkvæmt yfirlýsingu þessari, telst ávallt ná til þess yfirmanns sem hærra er settur, t.d. þegar gert er ráð fyrir að framkvæmdastjóri og hlutaðeigandi yfirmaður starfseiningar undirriti ráðningarsamning telst framkvæmdastjórinn vera framsalshafi valds samkvæmt yfirlýsingunni.

Með yfirlýsingu þessari framselur forstjóri Heilbrigðisstofnunar Vestfjarða vald til framkvæmdastjóra stofnunarinnar og hjúkrunarstjóra á sunnanverðum Vestfjörðum. Einstakir þættir valdsins eru framseldir með þeim hætti er greinir frá hér á eftir.

Eftirtaldir þættir valds eru framseldir til framkvæmdastjóra og hjúkrunarstjóra:

1. Ráðningar starfsmanna.
 2. Gerð ráðningarsamninga í samráði við skrifstofu forstjóra skv. 42. gr. stml.
 3. Upplýsingagjöf um starfskjör á grundvelli kjarasamninga og álits skrifstofu forstjóra.
 4. Setning erindisbréfa eða starfslýsinga skv. 8. gr. stml.
 5. Samráð við starfsmenn um orlof og orlofstöku skv. 11. gr. stml.
 6. Ákvarðanir um vinnutíma skv. 17. gr. stml.
 7. Að veita starfsmanni færi á að tjá sig áður en áminning er veitt eða uppsögn fer fram.
 8. Að neyta annarra heimilda skv. ákvæðum IX. kafla stml.
 9. Að annast eftirlit og fylgja eftir skyldum starfsmanna skv. IV. kafla stml.
 10. Breytingar á störfum og verksviði starfsmanna skv. 19. gr. stml.
 11. Að veita áminningu skv. 44. gr., sbr. 21. gr. stml.
 12. Uppsagnir starfsmanna og/eða ákvarðanir um starfslok.
 13. Að veita rökstuðning fyrir uppsögn.
 14. Framlenging uppsagnarfrests.
 15. Ákvörðun um starf annars staðar skv. 20. gr. stml.
- Tekur framangreint m.a. til almennra fyrirmæla um starf, ákvarðana um nauðsynlega yfirvinnu, eftirlit með mætingum og viðveru.

Á sama hátt og öðrum starfsmönnum stofnunarinnar ber þeim sem vald er framselt til, að fylgja settum verklagsreglum og ákvörðunum sem framkvæmdastjórn, forstjóri og starfsmannabjónusta taka.

Þessar ákvarðanir skulu kynntar og vera aðgengilegar þeim sem fara með framselt vald, öðrum stjórnendum og starfsmönnum.

Framsalið nær ekki til annarra þátta en þeirra sem tilgreindir eru í yfirlýsingu þessari. Láti framkvæmdastjóri af starfi sínu fellur hið framselda vald sjálfkrafa niður án sérstakrar tilkynningar.

Framsal þetta tilkynnir forstjóri starfsmönnum stofnunarinnar á þann hátt sem hann telur nauðsynlegan. Framsalshafar verða þeir einir sem fengið hafa formlega tilkynningu þess efnis frá forstjóra. Gildistími er frá og með undirritun yfirlýsingar þessarar og þar til annað verður ákveðið.

Framsal gagnvart hverjum og einum framsalshafa gildir frá og með dagsetningu framsalsbréfs eða dagsetningar sem þar er tilgreind sem gildistími framsals.

Ísafirði, 7. apríl 2016



Þröstur Óskarsson
forstjóri

Minnisblað

Nöfn þeirra sem forstjóri Heilbrigðisstofnunar Vestfjarða hefur framselt vald, skv. 50. gr. laga nr. 70/1996.

Ísafirði 7. apríl 2016.

Um framsal og meðferð valds fer samkvæmt yfirlýsingu forstjóra Heilbrigðisstofnunar Vestfjarða um framsal valds skv. 50. gr. laga um réttindi og skyldur starfsmanna ríkisins, nr. 70/1996.

Handhafar valds frá forstjóra samkvæmt 50. gr. laga nr. 70/1996 um réttindi og skyldur starfsmanna ríkisins:

Hallgrímur Kjartansson	Framkvæmdastjóri lækninga	Frá 7. apríl 2016
Hörður Högnason	Framkvæmdastjóri hjúkrunar	Frá 7. apríl 2016
Anna Árdís Helgadóttir	Hjúkrunarstjóri á sunnanverðum Vestfjörðum	Frá 7. apríl 2016